

BETWEEN : Simon Lale &
Helen Abraham
(Appellants)

AND : Nicolson Silas
(Defendant)

CORAM : MR. JUSTICE F. G. COOKE,
CUSTOM ADVISERS : CHIEF WILLIAM BOE & CHIEF ANDRE PETER

SUPREME COURT IN MALEKULA

JUDGMENT

Em ia one apil blong Simon Lale witem Helen Abraham Sipora againstem Judgment blong Island Court blong Malekula. Island Court ia em i bin telem out se groun ia we em i stap long Peterevat mo Panpal em i blong Nicolson Silas.

Simon Lale em i apil againstem decision long said blong Peterevat mo Helen Abraham Sipora em i apil againstem decision long side blong Panpal

Mi bin hirem tok-tok blong Simon Lale mo blong one man we em i stanap long side blong Sipora from we Sipora i old fela tu mas mekem se em i no save stanap long court.

Mi bin letem Simon Lale blong singoutem faef witness blong em blong showem out from wanem nou em i apil mo blong klirem sam point we Island Court i no lukluk gud long em. Simon Lale em i talem out se olgeta Justices blong island Court oli bin againstem em mo oli no wantem lisen long history story blong em.

Em i telem se bobo mo papa blong bobo blong em i bin stap long groun ia long taem finis; mo NATHANIEL (oner blong groun) i no gat reit blong stap long groun ia from we i no gat one station in betwin long station we i kam long em mo Peterevat.

Em i telem tu se i gat one Nasara long Peterevat nomo mo Nasara ia em i blong em. Afta em i telem se BETURU, we em i custom-oner blong Peterevat, em i givem groun ia long em mo ol family blong Beturu oli ded fini. Olsem long plente land cases em depend long tok-tok nomo olsem Simon Lale i telem papa blong em i telem ol samting ia long em.

Em i telem tu se Baturu i no bin gat one pikinini mo papa blong em i telem samting ia long em. Afta em i telem se i no papa blong em we i telem long em be brata blong em we i ded finis. Em i telem se em i muf i go long Peterevat six years bifo Independence. Em witem ol men oli run away long station blong olgeta from we i gat wan faet mo long taem ia sam man blong olgeta i ded. Station we em i stap long em bifo em i LENEVANU (closap long LAVASAL). Em i admit se supos i no bin gat ol sooting ia bambae oli stap long station blong olgeta yet. Em i admit tu se NICOLSON SILAS em i stap long PETEREVAT since 1944. Taem NICOLSON SILAS i askem sam question long SIMON LALE , em i trei had blong no give stret anser long em, mo tok tok about narafela samting. Em i askem from wanem nou papa blong em i no telem out stret custom oner blong groun ia long em. SIMON LALE i anser se long taem ia em i no big wan yet.

(about 20 years). Mi no ting ting tu mas long side blong Simon Lale. Em i no save one samting long saed long history blong em. Ol tok-tok blong brata blong em nomo we papa blong em i givem long em. Em i trei had blong no givem stret anser long ol question blong mi, from we supos i givem stret anser bambae i no save winem kaes ia, mekem em i trei hard blong tok about samting we em i no matter long kaes ia.

Wan witness blong Simon Lale we nem blong hem Chief Willie, em i teler out se sam man oli paem groun long PETEREVAT long Simon Lale. Me bin telem out long em decision we District Council of Chiefs mo Native Court of Atchin oli bin mekem long 11 December 1978, we oli deklarem Nicolson Silas olsem oner blong Peterevat, mo oli bin faenem Simon Lale 20,000 long ol damages we em i mekem long groun ia. Chief Willie em i bin wan member blong council ia tu mo taem mi askem em long saed ia em i telem se : "Mi no wantem wan man nomo i karem groun ia." Chief Willie telem out tu se em i gat coconuts mo cocoa insaed long PETEREVAT. Em i telem se groun ia oli givem long bobo blong em mo custom taetel blong groun ia i go long family blong em. Taem we man blong suryey department i kam, Simon Lale witem Nicolson Silas oli telem long em blong putem boundary laen blong PETEREVAT insaed long groun blong em. Witness ia em i admit se em i no save tru custom oner blong groun ia be from we Simon Lale em i wan old fela men em i must save gud long saed blong land raets.

Oli singoutem narafela witnes we nem blong em i KALSIME . Em i wan pikinini blong Chief François, we em i bin toktok long Island Court bifo mo em i bin telem out se Simon Lale em i bin forcem em blong toktok agenstem Nicolson Silas. Mi bin refusem witnes ia i givem toktok long saed blong papa blong em from we papa blong em i telem out finis se oli forcem em blong givem german toktok.

Las fela witnes em i ABEL MELE mo toktok blong em mi no ting-ting tu mas long em. Afta mi bin lise long toktok blong em finis me save se em i no telem out tru toktok mo mi no akseptem evidence blong em. Nicolson Silas em i admit se em i selem groun blong PETEREVAT long PAUL, ITALY, WILLIAM, ERICK MOSES and SAMENO mo em i telem se em i oraet supos oli stap long groun ia. Em i telem se i no tru se EPHRAIM MALTOK i bin paem out groun long em we i stap insaed long PETEREVAT. Em i telem se maet Ephraim Maltok i paem out sam groun long Simon Lale Ephraim i telem se i gat 27,300 tries mo 30 house insaed long PETEREVAT be afta mi faenem out se plente blong olgeta samting ia em i blong Paul, Italy, Moses, William and Samino. All coconut blong em i no kasem 100 yet mo em i just plantem 6 years i pas. Mi no akseptem toktok blong em from we em i german.

Taem wan blong tu fela custom advisers blong me (Chief Willie Boe) i askem wan question long Ephraim em i telem out se first man we em i mekem wan custom ceremony long PETEREVAT em i TETEGONG. Afta Nicolson Silas i givem history blong olgeta land oner :

- (1) i gat CHONGROEL
- (2) afta i gat CHONGMEAL we em i papa blong TETEGONG
- (3) i gat TETEGONG
- (4) afta i gat MATCHENGTARTER
- (5) afta i gat MELDERUS MELE
- (6) afta i gat SILAS (we em i papa blong Nicolson Silas)
- (7) afta i gat NICOLSON SILAS

Nicolson Silas em i telem out se Ephraim i kasem PETEREVAT tugeta witem Simon Lale, six years i pas. Em i telem i tru se i givem groun blong TANMILIU long Ephraim (we em i colosap long main road LAVASAL). Mi no akseptem toktok blong Ephraim. Mi ting-ting se Nicolson Silas em i givem gud fela anser long evri men we oli askem question long em. Mi ting-ting gud long em from we mi luk-luk se em i wan men we em i no save german mo mi akseptem toktok blong em olsem tru toktok. Mi beliw se em nou i tru oner blong groun long

PETEREVAT. Ol bobo blong em bifo oli karem groun ia long stret custom oner, mo ol men ia (Paul) (Italy) (William) (Moses) (Samino) oli paem out stret groun ia long em. Decision we Island Court i givem bifo finis i stap yet. Taem ia oli telem se NICOLSON SILAS em i oner blong PETEREVAT, mo mikarem out apeal we Simon Lale i mekem mo mi ORDER se SIMON LALE i mas kam out long PETEREVAT bifo manis blong June 1986 i finis. Supos em i stap long groun ia afta long taem ia me fela i lukluk se em i no respectem Court ORDER mo bambae Court i save punishem em.

Long saed blong apil blong Helen Abraham Sipora, long saed blong groun blong PANPAL, Nicolson Silas em i agri finis se half blong groun ia i go long Sipora. ABEL MELE we em i kam toktok long saed blong Sipora, em i akseptem toktok ia. Mi ORDER se half blong groun blong PANPAL i go long Sipora mo bambae man blong survey departament em i kam mekem stret boundary long midel betwin groun blong Sipora witem Nicolson Silas. Mi allauem apil blong Sipora long saed blong half groun blong PANPAL nomo.

Mi bin ting-ting long toktok blong Chief Willie, we em i givem long saed blong Willieson (pikinini blong em we Chief Benbi i adoptem). Em ia long saed long groun long North-East coner blong PETEREVAT. Em i telem out mo em i swear long bible, se groun ia i stap long em long taem finis (plente generation), mo papa blong em i selem i go long Chief Benbi mo em witem ol mam blong em i paem out groun ia.

Afta pikinini blong Chief Benbi i kam toktok mo em i telem se em i givem groun ia long adopted brata blong em, Willison, blong luk out em. Em i telem tu se taem oli paem groun ia, i gat wan big fela lafet mo oli putem mani long wan basket mo oli givem long Chief Willie blong paem out groun ia. Long taem ia eviri Chief blong Not-west kasem East-west i stap. Toktok we witnes ia i givem mi ting-ting gud long em mo mi trustem se em i telem out tru toktok. Taem mi askem Chief Willie from wanem nou em i no apil againstem decision blong Island Court. Afta em i telem se groun ia oli karem out long custom long taem finis mo em i belief se bambae oli no includem long decision blong Islad Court. Mi lisen gud long toktok blong mo mi belief se em i wan wrong blong em we em i no save gud long em. Taem mi lisen long toktok blong Chief Willie mo pikinini blong Chief Benbi mi trustem se ol bobo blong Chief Willie oli karem groun ia mo afta oli selem i go long Chief Benbi we em i pasem i go long Willieson.

Piece groun ia insaed long PETEREVAT mi givem long adopted son blong Chief Benbi (Willieson) mo mi ORDER se bambae oli karem out groun ia long insaed blong boundary laen blong PETEREVAT we mi givem long Nicolson Silas. Bambae oli changem boundary laen blong Peterevat long survey map.

Mi bin go long PETEREVAT long Tuesday 17 June 1986, witem tu fela custom advisers blong mi mo witem tu fela parti. Be mi no lukluk mo haerem any kin samting we em i changem Judgment blong mi.


Mi ORDER se Nicolson Silas i paem 17,000 VT long saed blong survey-fees, mo Willison i paem 6940 VT long saed blong survey fee. Mo ol narafela survey fees long saed blong PANPAL, oli divedem betwin Sipora mo narafela tu parties.

Frederick G. Cooke

FREDERICK G. COOKE

CHIEF JUSTICE

18/6/86



SIGNE: CHIEF WILLIE BOE
ANDRE PETER
(CUSTOM ADVISERS)